

Inladen van de Heimatverein: Kuutzefahrt

Borkum/jan - Well weit vandage noch, dat frauger kaart vör de Badtied de Börkumers mit Mann un Frou, mit Grootje un Kleintjes heil up Tied, as de Sünne man evkes over de Kante luurde, mit Peerd un Wagen sönn dagsmörgens na't Oosten van't Eilandje trucken? Un heil wiet buten satt man gerüst in ein skule Delle mit lecker Eten un Drinken, söchte Vogelnüsten un bekeek de heerleke Natur. De Kinderkes spölten, de Keerls laggen tegen de Dünenkante un de Froulü vertellden van dit un dat. Ein Dag vull Pläseier un Aregkeit up ein Eiland, waar man gaud leven kunn, sünder völ Drockde un Lawei. De Heimatverein up't Eilandje Börkum neugt sien oldere Leden (gaud over söventeg) tau ein moje Kuutzetour. Dat sall wesen an Saterdag de 7. Juni 2008. Up de Minüte um 3 Ühr (hoogdüts 15 Uhr) sall dat van't Museum „Dykhus“ offgahn un dann zuckeln de Peerden dewars over't Börkumer Land. Man sitt bestgaud up de Wagens, kann all dat bekieken, waar man so faak neit hen kummt. Na andertalv Stünde geht dat weer taurügg in't Dörp un in't Toornhuske wacht ein krass Koppke Tee mit lecker Kauke. Nu man gein Utwendsel, seggt van Ja! Ik koom!

Verbindliche Anmeldungen der älteren Mitglieder im Heimatverein für die Kutschfahrt am 7.-Juni 2008 (Abfahrt 15 Uhr am Museum) bitte an Theda Akkermann Tel. 924475 oder Gertrud Akkermann-Burmeister Tel. 7227 oder Jan Schneeberg, Tel 863